

## یوحنا ی سۆمین نامه

۱

اشیخی جا،

به عزیز گایوس که من ویره 'حَقِیقَتی' دِلِه دوس دارمه.

ای عزیز، می دِعا هَینه که همه چی شِمسِه خُب پش بوره و سَلامت ووئین،  
وَ هَمینجور تی جان هَم سَلامتی ای دِلِه دَوون. <sup>۲</sup> چون خِشال بَومِه اون موقِه  
که بَرارن بيمونه و تی وفاداری که حَقِیقَتی دِلِه زندگی کِئِی ره گواهی هادانه.  
<sup>۴</sup> هیچی مِنه ویشتر آز هَین خِشال نِکته که بَشَنُوم می وَجِیلِه 'حَقِیقَتی' دِلِه زندگی  
کِینه.

ای عزیز، توو دِشْتِه کارایی دِلِه بَرارنی سِه، شی امانتِ هَم دِنی، بَخصوص  
هَینگه تی وَر غَریبِه. <sup>۶</sup> وِشون هَم کِلیسایِ وَر تی مَحَبَتِ گواهی هادانه؛ پَس  
خُب کاری کِئِی آگِه وِشونه اونجوری که در شَن خِدايِه، سفری سِه راهی هاکِنی.  
<sup>۷</sup> چون وِشون اون اِسمی خَاطِرِی سَفر هاکِرْدِنه و غَیریهودینی جا هیچ کِمکی  
نِئینه. <sup>۸</sup> پَس آما وِنه هَینجور آدَمِنی تَرا ره کِمک هاکِنینم تا بَتَنیم وِشونی هَمرا  
حَقِیقَتی سِه هَمکار ووئیم.

<sup>۹</sup> مِن یِچی کِلیسایِ سِه بَنوشتیمه، وَلی دِیوَتْرِفِیس که دوس دارنه شِرِه اوّل دِنه،  
آمه اِقتدارِ اَهمِیت نَدنه. <sup>۱۰</sup> پَس آگِه مِن بَیئِم، کارایی که وی کِنه ره رَسیدکی کِنه،  
چون غَرَضی هَمرا عَلَیه آما گِینه، به هَین هَم قانع نَوِه، بَرارن هَم قَبول نِکته؛ وَ  
وی بَرارنی هَم که خایِنِه وِشونه قَبول هاکِینی دِم گِیرنه و کِلیسایِ جا دیرگا کِنه.  
<sup>۱۱</sup> ای عزیز، بَدی ره شی سَرْمَشَق نِکن، بَلکی خِبی ای جا سَرْمَشَق بَئیر، اونیکه  
خُب کار کِنه خِدا یی جائِه، وَلی اونیکه بَد کار کِنه خِدارِه نَئیه. <sup>۱۲</sup> هَمه  
دِیمِتریوسی بارِه خُب گواهی دِینه، حَتّی خِد حَقِیقَت. آما هَم هَینجور گواهی  
دِمی و دِئِی که آمه گواهی راسِه.

## سَرآخِر

<sup>۱۳</sup> خِیَلِ چِیزا دَاشْتِمِه تِنِه بَنوِیْسَم، وَلِی نَخَایِمِه قَلَم و مِرْگِی هَمرا ووئِه.  
<sup>۱۴</sup> اِمید دارِمِه خِیَلِ زود تِرِه بَوِیْنِم و رُو دَر رُو گَب بَزِیْنِم.  
<sup>۱۵</sup> سَلامت ووئِین!

رَفِیْن تِنِه سَلام رَسَانِیْنِه. تَک تَکِ رَفِیْنِ بِه اِسْم سَلام بَرِسان.

